

MEĐUNARODNA ZAJEDNICA POZDRAVLJA IZMJENE I DOPUNE I POJAŠNJENJA IMOVINSKIH ZAKONA U OBA ENTITETA

Međunarodna zajednica pozdravlja izmjene i dopune i uputstva koja se odnose na imovinske zakone u Republici Srpskoj i u Federaciji BiH, te Zakon o provođenju Odluka Komisije za imovinske zahtjeve raseljenih lica i izbjeglica. Međunarodna zajednica posebno želi izraziti svoju punu podršku Odluci Visokog predstavnika da nametne ove izmjene i dopune i Zakon, iako žali zbog činjenice da je njihovo nametanje bilo potrebno.

Prošlo je 19 mjeseci od donošenja imovinskih zakona u Federaciji i 10 mjeseci od donošenja imovinskih zakona u RS. Provedba ovih zakona u oba Entiteta je na nezadovoljavajućem nivou. Mora se okončati situacija u kojoj mnogi organi vlasti na svim nivoima ne osiguravaju provođenje ovih zakona. Svi relevantni organi vlasti, a posebno organi nadležni za stambena pitanja i načelnici općina moraju osigurati potpunu implementaciju imovinskih zakona u njihovoj izmijenjenoj i dopunjenoj formi i u duhu njihove osnovne namjene.

Između ostalog, izmjenama i dopunama se usaglašavaju imovinski zakoni u oba Entiteta. Više se ne može tvrditi da je nemoguć povratak osoba u njihove prijeratne domove. Dajući definicije "višestrukih korisnika" i osoba koje imaju pravo na alternativni smještaj, više ne može biti govora o tome da one osobe koje su tokom rata profitirale time što su dobile pravo da stanuju u napuštenim stanovima trebaju i da nastave da ih koriste.

U toku slijedećih nekoliko sedmica međunarodna zajednica će

osigurati da organi vlasti budu upoznati sa njihovim obavezama u skladu sa novim izmjenama i dopunama i da osobe koje žele da se vrate u svoje domove budu upoznate sa svojim pravima.

Međunarodna zajednica poziva sve one koji se žele vratiti da ustraju na ostvarivanju svojih prava i da na organe vlasti otvoreno prebace obavezu da osiguraju poštivanje tih prava.